

AIKUJ KO AN KIEN IKIJEN KÖJJELÄ IN JOLOK

Pepa in ej melele ko an kien im rekadu.. Ejjab naan in rojāñ jān kien kin juon keij eo ejenolok. Ñe ekkar, kwon kōnaan ippen juon lawyer kake keij eo am.

Keij in jilkinlak ko ekkā aer pedped ion köjjelä in jolok. Köjjelä in jolok ej pepa ko emōj jeiki im juon alap ej lelak ñān juon armij eo rej reen ñān kajemlok kōn eo ikijen reen.

Ewōr aikuj ko rej oktak ekkar ñān kien ñān eloñ kain köjjelä in jolok. Ñe juon alap ej file juon keij in jilkinlak pedped ion juon köjjelä eo im ejjab loore kakien eo, armij eo rej reen emaroñ in win i keij eo. Pepa in kōmelele in ej laajrak in köjjelä ko rej aikuj in loore kakien. Ñe ejelok laajrak in ilo köjjelä ko, armij eo ej reen ejjab maroñ in win ilo ien keij eo.

Laajrak ñān *aolep* köjjelä in jolok:

- Aolep köjjelä in jolok ej aikuj in etal **ilo pepa**. Köjjelä ko rej etal ilo email, taakij, ako ilo ainikien rejjab jekkar ñān kien. Köjjelä ko rejjab maroñ in etal ilo pepa in kamol ako mail.
- Aolep köjjelä in jolok ej aikuj in wor **raan in jolok**. Ej aikuj juon raan eo ejenolok. Ejabwe ñe köjjelä eo ej ba “ien jokwe eo enij jemlok ilo 30 raan” ako juon bar kain āinwot. Ej aikuj in wor juon raan eo ejenolok ñān armij eo ej jokwe bwe en duojlak.
- Aolep köjjelä in jolok ej aikuj in wor **melele kake jermal ko an armij ro rekar mottan tarinae**. Köjjelä eo emaroñ in lelak melele ikijen topar e juon opijja in ro mottan tarinae, ako melele in topar ñān juon jermal in jibañ, āinwot 2-1-1.

Kien aurok ko ñānkain köjjelä jenolok ikijen jolok:

Kinke elap ro rej maroñ in jolok juon kōn kin eloñ unin ko, kien ko ñān köjjelä in jolok emaroñ in oktak pedped ion kain köjjelä eo.

10 raan, 13 raan, ako 72 awa in köjjelä in jolok ñān jab köllä onean reen:

- Köjjelä ko ñān an jab köllä onean reen ilo juon alloñ ej aikuj in 10 ako 13 raan ko. 72 awa köjjelä rej maroñ in toprak ñān juon wiik ñān ro rej jokwe ilo wiik wōt.
- Ien kölla onean reen ej aikuj in jimor kwalok juon **raan im awa**
- Köjjelä eo ej aikuj in kwalok **joñan jāān eo im ej tipdik** im ej aikuj in kolla
- Köjjelä ej maroñ in wōt aikuj an armij eo ej jokwe ñān an kölla **reen**, ejjab onean rumij ko, onean jarom ako dān, ako joñan ko jot

24 awa köjjelä ko ñān joraan ako mwil ko rejjab ekkar:

- Ien duojlak jān mweo ej aikuj in kwalok **raan im awa**
- Köjjelä eo ej aikuj in kwalok **naan ko remol**

30 raan köjjelä ko ñān rubrub kien ñān kōn in reen eo:

- Köjjelä eo ej aikuj in kwalok **naan ko remol**
- Köjjelä eo ej aikuj in kwalok juon wawen **kamour kōl eo ako jolok ta eo ekar walok**

90 raan köjjelä ñān unin jān alap eo:

- Köjjelä eo ej aikuj in kwalok ke alap eo ej kajemlok kōn in reen eo ñān **juon ian unin kein**:
 - kakure mon reen eo
 - jolok an jikin reen eo pād ilo kadelel/ukote ñān bar juon wawen köjerbale
 - kōmman oktak ako kakāāl ko im enij kōmman bwe en jokwe ilo mon reen eo
 - deloñ im jokwe ilowan mon reen eo/ kamakūt uwaan baamle eo am ñān jokwe ilowaan mon reen eo
 - alap eo emōj an wia kake mon reen eo ñān bar juon armij eo ej būlaan in jokwe ie

- Kōjjelā eo ej aikuj in kwalok naan ko remol ñan jibañ kwalok kin unin eo
- Ñe alap eo ewōr elaplok jān emen jikin an reen, alap eo ej aikuj in jilkinlak onean reen iumin juon alloñ koba ippen kōjjelā eo

Kakien ko rej aurok ñan armij ro rej reen ippen kein (mon jokwe al loblej, mon jokwe an ro edik aer jāān, ako jāān ko): Armij ro rej reen im edik onear ilo jikin jermal im rej kōllā ediiklak reen kinke kien ej jibañ im ewōr aer kakien ejenolok ñan kōjjelā in jolok. Armij ro reen im ewōr aer jibañ jān Section 8, im rej jokwe ilo mon jokwe ko an loblej, mōn ōwōj ko, ako moko rej kōmman, ewōr aer kōjbarok ko relaplok. **Kōjjelā ikijen jab kōllā ñan mon jokwe an armij ro edik aer jāān rej aikuj in lelak 30 raan mōkta jān an jolok an jokwe.**

Ta eo armij ro rej reen remaroñ in kōmmane ñe ebwod kōjjelā in jolok eo rej bōk?

Ñe ekkar, armij ro rej reen rej aikuj in kōnaan ippen juon lawyer. Ako ñe juon armij eo ej reen ejjab maroñ in topar juon lawyer, emaroñ in wōr wawen an win ilo ien keij ñe kōjjelā in jolok eo ejjab ekkar. Ñan am kōmman bwe juon judge en etaale juon kōjjelā in jolok, juon armij eo ej reen ej aikujin:

- Etal ilo ien court eo im emōj jikeduul i
- Kajitok ñan juon keij
- Kōllā onean file ako kajitok an ejelok jaaj
- File juon Uak ippen jikin ekkajet eo im ej kwalok ke kōjjelā in jolok eo ekar jab ekkar, im ej kōmelele unin
- Waanjoñak ko: “Kōjjelā in jolok eo ejelok raan eo ej jemlok ie”, ako “Kōjjelā in jolok eo ejelok an kōmelele kin jermal ko ñan ro rekar mottan tarinae”
- Jilkinlak juon kape in Uak ñan alap eo ako lawyer eo an alap eo
- Etal ñan ien keij eo im kwalok ñan judge eo ke kōjjelā eo ejjab ekkar

Kauwōtata in etal ñan keij

Ewōr kauwōtata in pād ilo bōklok juon keij ñan jikin ekkajet. Judge eo emaroñ in jab errā ke kōjjelā in jolok eo ejjab ekkar. Ako, judge eo emaroñ in lōmnak ke ejelok tokjen, ñe juon elap ewōr an keij ekajur im kōn in reen eo ekar rub. Ejelok wawen lukkun jella ke juon armij eo ej reen enij win keij eo aer. Ñe armij eo ej reen enaj lose, innem enij aikuj in duojlak ilo emen raan jān ien eo, im maroñ in aikuj in kōllā onean etal ñan jikin ekkajet an alap eo im onean kōjerbale lawyer.

Ñe juon armij eo ej reen, innem oktak lōmnak eo an, emaroñ in duojlak mōkta jāñ raan in keij eo. Ñe juon armij eo ej reen renij duojlak mōkta jāñ keij eo, innem jede ñan jikin ekkajet ñan keij eo bwe en kwalok ñan judge eo ke emōj an duojlak, judge eo ej aikuj jolok keij eo. Botaab, alap ro rej maroñ in wōt kajitok ippen armij ro rej reen bwe ren kōllā jāān ko rej muri ilo juon bar wawen, āinwot jikin ekkajet im kleim jidik ko ako ilo jikin aini aolep muri.

Ewi wawen ao bukote jibañ ippen kien?

Ñan elaplok melele kake juon keij in duojlak ej jermal wōt, kwoj maroñ in topar Būroojak eo an lale Duojlak (Eviction Defense Project) **ñan jibañ jān kien ilo ejelok onean.** Kurlok Būroojak eo an lale Duojlak (Eviction Defense Project) ilo 888-585-9638, e-mail evictiondefense@oregonlawcenter.org ako lale <https://oregonlawcenter.org/eviction-defense-project/>

Ñan melele ko jot rekkar ñan kien, kwoj maroñ elolo melele ikijen wawen topar juon opii in jibañ iturim ilo <https://oregonlawhelp.org/find-legal-help>. Kwoj maroñ in bar topar Doulol eo ilo Oregon (Oregon State Bar) jermal in jibañ ikijen lawyer ilo (503) 684-3763.